

ხელშეკრულება სახელმწიფო შესყიდვის შესახებ N 93
(გამარტივებული ელექტრონული ტენდერი SPA 170007718; CPV 38290000)

ქ. ფოთი

„22“ ივნისი 2017 წელი

ერთის მხრივ, ს.ს.ი.პ. „საქართველოს სახელმწიფო ჰიდროგრაფიული სამსახური“, ს/კ 215082764, მისამართი: ქ. ფოთი, დ. თავდადებულის ქუჩა N 93, საბანკო რეკვიზიტები: „სახელმწიფო ხაზინა“, ბანკის კოდი: TRESGE22 ა/ა: 707247519 (შემდგომში „შემსყიდველი“), წარმოდგენილი მისი დირექტორის რევაზ ბაბილუას სახით

და მეორეს მხრივ

შპს „ნეპტუნი“ (შემდგომში „მიმწოდებელი“), წარმოდგენილი მისი დირექტორის დავით როგავას სახით, ს/კ 245435051, მის: ქ. ბათუმი, ჯავახიშვილის ქ. N 72/37; ტელ: 574587944; +380974988725; საბანკო რეკვიზიტები: ბანკის დასახელება: „პროგრედიტ ბანკი“-ს ბათუმის ფილიალი, ბანკის კოდი: MIBGGE22; ა/N GE29PC0033600100052237; ელ. ფოსტა: LTDNEPTUN@mail.ru;
სახელმწიფო შესყიდვების შესახებ კანონის დაცვით ვაფორმებთ წინამდებარე ხელშეკრულებას, სახელმწიფო შესყიდვის შესახებ შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზეთანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს შესყიდვას.

1.4. „მიმწოდებელი“ – ორგანიზაცია/პირი, რომელიც ახორციელებს მომსახურებას, ხელშეკრულების ფარგლებში.

2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

ა) წინამდებარე ხელშეკრულება;

ბ) ტენდერის ტექნიკური დოკუმენტაცია (გამარტივებული ელექტრონული ტენდერი SPA 170007718; CPV 38290000).

2. ხელშეკრულების საგანი

2.1. მიმწოდებელი უზრუნველყოფს 1 (ერთი) კომპლექტი ჰიდროლოგიური კომპლექსი ГМУ – 4-ის მიწოდებას.

2.2 მოცემული ჰიდროლოგიურ ხელსაწყოთა კომპლექსი, ჰიდროსტატიკური ხელსაწყო, უნდა ახორციელებდეს ჰიდრომეტეოვლეების მდგომარეობის რეალურ დროში, დისტანციურ ავტონომიურ გაზომვებს. სპეციალიზებული პროგრამული უზრუნველყოფის დახმარებით, ჰიდროლოგიური პარამეტრები რეალურ დროში უნდა აისახებოდეს დამკვეთის პერსონალურ კომპიუტერზე. მიმდინარე მონაცემების განახლების მინიმალურ სიხშირეს უნდა წარმოადგენდეს მინიმუმ 1 წუთი, მაქსიმუმ 20 წუთი. პროგრამული პაკეტი, უნდა დაყენდეს დამკვეთის კომპიუტერზე, სადაც უნდა მოხდეს შემოსული გაზომვების ბაზირება და ონლაინ რეჟიმში მათი დათვალიერება გრაფიკულ ფორმებში. სპეციალიზებული პროგრამული უზრუნველყოფა უნდა შეიცავდეს მონაცემთა ბაზას და საარქივო მონაცემებთან მუშაობის მოსახერხებელ ინტერფეისს.

კომპლექსის მუშაობა უნდა იყოს გათვალისწინებული და მორგებული შავ ზღვაზე ექსპლუატაციის პირობებზე.

N	საქონლის დასახელება ჰიდროლოგიური ხელსაწყო-ს ჰიდროლოგიური კომპლექსი ГМУ – 4-ის მახასიათებლები	წარმოშობის ქვეყანა, მწარმოებელი, მოდელი	რაოდენობა	ერთეულის ფასი	საერთო ღირებულება
1	2	3	4	5	6
1	1. კომპლექსს უნდა გააჩნდეს შემდეგი მახასიათებლები: ა) ზღვის დონის, ქარის მიერ წარმოშობილი ტალღების, ნჩქრევის (рягуи) ინტენსიურობის და განთავსების სიღრმეზე წყლის ტემპერატურის გაზომვა. ბ) ზღვის ნჩქრევის (рягуи) არსებობის დაფიქსირება და სიმძლავრის დადგენა; გ) ატმოსფერული წნევის, ჰაერის ტემპერატურის გაზომვის მეტეობლოკი; დ) მონაცემების დამუშავების ბლოკი; ე) კომპლექსის კავშირის და მუშაობის მართვის ბლოკი; ვ) ავტონომიური კვების ბლოკი; ზ) სპეციალიზებული პროგრამული პაკეტი, რომელიც უნდა დაყენდეს დამკვეთის კომპიუტერზე, და შეიცავდეს	რუსეთი, „ტიფუნი“ ჰიდროლო- გიური კომპლექსი ГМУ – 4	1 (ერთი) კომპლექტი	100 000. 00	100 000. 00

ჰიდრომეტეოლოგიის პარამეტრების დროში გაზომვის კომპლექსების წარმოდგენის გრაფიკულ პაკეტს. ე) ინფორმაციის გადმოცემის რადიუსი მინიმუმ 3კმ. 2.კომპლექსს უნდა გააჩნდეს ჰიდრომეტეოლოგიის პარამეტრების გაზომვის შემდეგი მახასიათებლები: ა) წყლის ტემპერატურა 0.05 C (გრადუს ცელსიუსი) გრადუსამდე სიზუსტით; ბ) ზღვის დონე 0.2% H-მდე სიზუსტით, სადაც H წარმოადგენს ჰიდროსტატიკური მარეოგრაფის დაბირვის სიღრმეს; გ) უწყვეტი დაკვირვებების დათქმული პერიოდის განმავლობაში ზღვის ზედაპირზე ტალღების პერიოდულობის და სიმაღლის საშუალო მახასიათებლები; დ) ნაქრევის ინტენსიურობის მახასიათებლები სანტიმეტრებში. 3. კომპლექსს უნდა გააჩნდეს ატმოსფეროს პარამეტრების გაზომვის შემდეგი მახასიათებლები: ა) ატმოსფერული წნევა 800 - დან 1100 hPa - მდე, 1,5 hPa - მდე სიზუსტით. ბ) ჰაერის ტემპერატურა - 40 C / +50 C (გრადუს ცელსიუსი) ფარგლებში, 0.3 C - მდე სიზუსტით. 4. კომპლექსის კავშირის და მუშაობის მართვის ბლოკის მახასიათებელი; ა) კომპლექსის მუშაობის დისტანციური მართვა უნდა განხორციელდეს სპეციალიზებული პროგრამული უზრუნველყოფის საშუალებით. 5. კვების ავტონომიური ბლოკის მახასიათებელი: ა) სოლარული ბატარეა აკუმულატორით, დამუხტვის კონტროლით და ინტერფეისის ბლოკით; სულ:				100 000. 00
---	--	--	--	-------------

2.3 კომპლექსის გაზომვის პლატფორმა უნდა დამზადდეს, დამონტაჟდეს და ექსპლუატაციაში სრულად გაეშვას მომწოდებლის ან მისი წარმომადგენლის მიერ, გაზომვების წარმოების ადგილზე, სანაპირო ნაგებობებზე (პირსი, ნავმისადგომი, მოლო, ზღვაში ღრუბრზე მდგარი მცურავი საშუალება), ქსელზე ბათუმში.

2.4 საქონელს უნდა მოეცემა წარმოშობის დამადასტურებელი შესაბამისი დოკუმენტი ან პასპორტი და მომხმარებლის ინსტრუქცია.

2.5 საქონლის მოწოდება უნდა განხორციელდეს ქ. ფოთი, დ თავდადებულის ქ. N 93 - ში.

2.6 საქონელი უნდა იყოს ქარხნულად დამზადებული, ახალი, ექსპლუატაციაში არ ნამყოფი.

3. ხელშეკრულების ღირებულება

3.1. ხელშეკრულების ღირებულება შეადგენს 100 000. 00 (ასი ათასი) ლარს.

3.2. ხელშეკრულების ღირებულება მოიცავს ხელშეკრულებით გათვალისწინებული საქონლის შესყიდვასთან და მოწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. საქონლის მიწოდების ვადები, პირობები და საქონლის გარანტია

4.1 შესყიდული საქონლის მიწოდება, კომპლექსის გაზომვის პლატფორმის დამზადება, მონტაჟი და ექსპლუატაციაში სრულად გაშვება, გაზომვების წარმოების ადგილზე უნდა განხორციელდეს ხელშეკრულების გაფორმების შემდეგ სრულად, არაუგვიანეს 120 (ასოცი) კალენდარული დღისა, 2017 წლის 20 ოქტომბრის ჩათვლით.

4.2 შესყიდული საქონლი უნდა იყოს სატენდერო დოკუმენტაციით (გამარტივებული ელექტრონული ტენდერი SPA 170007718, CPV 38290000) და წინამდებარე ხელშეკრულებით განსაზღვრულ ტექნიკურ მახასიათებლებში მოცემული პარამეტრების/სპეციფიკაციების შესაბამისი. წინააღმდეგ შემთხვევაში „შემსყიდველი“ არ მიიღებს საქონელს და „მიმწოდებელმა“ უნდა უზრუნველყოს მისი ახლით შეცვლა, თავისივე ხარჯებით, შეტყობინების მიღებიდან არაუგვიანეს 10 დღის ვადაში.

4.3 წინამდებარე ხელშეკრულების 4.2 პუნქტით განსაზღვრული ვალდებულებების შეუსრულებლობის, ან არაჯეროვნად შესრულების შემთხვევაში, შეწყდება ხელშეკრულება და „მიმწოდებელს“ დაეკისრება ჯარიმა, სახელშეკრულებო ღირებულების 5% - ის ოდენობით.

4.4 შესყიდული საქონლის საგარანტო ვადა შეადგენს მოწოდებიდან 1 (ერთ) წელს, გაზომვების წარმოების ადგილზე მიმწოდებლის მიერ კომპლექსის დამონტაჟებიდან და შესაბამისი პროგრამული უზრუნველყოფის ინსტალირების მომენტიდან. საგარანტო ვადაში შესყიდული საქონლის „შემსყიდველი“-საგან დამოუკიდებელი მიზეზით დაზიანების შემთხვევაში მისი აღდგენა ან გამოცვლა უნდა მოხდეს 2-დან 4 კვირამდე ვადაში. (აღნიშნულ ვადაში არ შედის საქონლის ტრანსპორტირების ვადა.)

4.5 წინამდებარე ხელშეკრულების 4.4 პუნქტით განსაზღვრული ვალდებულებების შესრულებლობის ან არაჯეროვნად შესრულების შემთხვევაში „მიმწოდებელს“ დაეკისრება ჯარიმა, სახელშეკრულებო ღირებულების 5% – ის ოდენობით.

5. ანგარიშსწორების ფორმა და ვადები

5.1. ანგარიშსწორება განხორციელდება საქონლის მოწოდების, გაზომვების წარმოების ადგილზე კომპლექსის გაზომვის პლატფორმის დამზადების, მონტაჟის და ექსპლუატაციაში სრულად გაშვების შესახებ მიღება-ჩაბარების აქტის გაფორმების შემდეგ. საანგარიშსწორებო დოკუმენტაციის წარმოდგენიდან 10 (ათი) სამუშაო დღის ვადაში.

5.2. ანგარიშსწორებისთვის მიმწოდებელმა უნდა წარმოადგინოს: ანგარიშგაქტურა, სასაქონლო ზედდებული, მიღება-ჩაბარების აქტი.

5.3. ანგარიშსწორება განხორციელდება უნაღდო ანგარიშსწორებით ეროვნულ ვალუტაში – ლარში, მიმწოდებლის მიერ მითითებული რეკვიზიტების მიხედვით.

6. მიღება-ჩაბარების წესი

6.1. შესყიდული საქონელი ჩაითვლება მიღებულად მხოლოდ, ორივე მხარის მიერ, ხელმოწერილი მიღება-ჩაბარების აქტის საფუძველზე.

6.2 მიღება ჩაბარებისას მიმწოდებელმა უნდა წარმოადგინოს საქონლის წარმოშობის დამადასტურებელი შესაბამისი დოკუმენტი ან პასპორტი და მომხმარებლის ინსტრუქცია.

6.3 საქონლის მიღებისას მოხდება საქონლის ტექნიკური პარამეტრების შემოწმება.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7.2. შემსყიდველი ვალდებულია:

ა) უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

ბ) საქონლის მიღებისას შეამოწმოს მიწოდებული საქონლის ტექნიკური პარამეტრები. თუ მიწოდებული საქონლის ტექნიკური პარამეტრები არ ემთხვევა მოთხოვნილ ტექნიკურ პარამეტრებს შემსყიდველი უფლებამოსილია არ მიიღოს საქონელი და მოსთხოვოს მომწოდებელს თავისივე ხარჯებით, 10 (ათი) დღის ვადაში, გამოცვალოს საქონელი ან/და მასთან შეწყდეს ხელშეკრულება.

7.3. მიმწოდებელი უფლებამოსილია:

ა) მიაწოდოს ხელშეკრულებით გათვალისწინებული საქონელი სათანადო ხარისხისა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

ბ) ხელშეკრულებით გათვალისწინებულ ვადაში, საქონლის მოწოდებასთან ერთად, მიმწოდებელი ვალდებულია მიღება-ჩაბარების გაფორმებამდე უზრუნველყოს შესაბამისი გამოცდილების მქონე წარმომადგენლის მეშვეობით, ზემოთ აღნიშნული საქონლის ვარგისიანობის შემოწმება.

7.4. მიმწოდებელი ვალდებულია უზრუნველყოს:

ა) შესაბამისი პროგრამული უზრუნველყოფის ინსტალირება სამსახურში არსებულ კომპიუტერში, რომელიც შემდგომში უზრუნველყოფს მონაცემების რეალურ დროში ავტომატურ მიღებას და მონიტორინგ ასახვას.

ბ) მწარმოებლის წარმომადგენლის, ან შესაბამისი კვალიფიკაციის მქონე სპეციალისტის მეშვეობით, ზემოთ აღნიშნული ხელსაწყო და მონტაჟება, (ინსტალირება), ექსპლუატაციაში გაშვება, ვარგისიანობის შემოწმება, შემსყიდველის პერსონალის კონსულტირება, მიწოდებული ხელსაწყო ექსპლუატაციის კუთხით ათვისებისათვის.

გ) საქონლის მიღებისას შემოწმების შედეგად თუ დადგინდა, რომ მიწოდებული საქონლის ტექნიკური პარამეტრები არ ემთხვევა მოთხოვნილ ტექნიკურ პარამეტრებს „მიმწოდებელი“ შემსყიდველის მოთხოვნის შემთხვევაში ვალდებულია 10 (ათი) დღის ვადაში გამოცვალოს საქონელი. წინააღმდეგ შემთხვევაში მასთან შეწყდება ხელშეკრულება.

დ) საგარანტიო ვადაში შესყიდული საქონლის „შემსყიდველი“-საგან დამოუკიდებელი მიზეზით დაზიანების შემთხვევაში მისი აღდგენა ან გამოცვლა უნდა მოახდინოს, წინამდებარე ხელშეკრულებით დადგენილ ვადებში.

7.5 მიმწოდებელი ვალდებულია განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

8. მხარეების პასუხისმგებლობა

8.1 ხელშეკრულების პირობების დარღვევის შემთხვევაში, კერძოდ: თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით, ხელშეკრულების საერთო თანხის 0,05 %-ის ოდენობით ყოველ გადაგადცილებულ დღეზე.

8.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.

8.4 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო, ხელშეკრულების საერთო ღირებულების 5 % - ის ოდენობით.

8.5 პირგასამტეხლოს დარიცხვის შემთხვევაში, მისი დაკავება მოხდება, მიმწოდებლისთვის ასანაზღაურებელი თანხიდან.

8.6 ხელშეკრულებით გათვალისწინებული მოწოდების ვადის 120 (ასოცი) კალენდარული დღის გასვლიდან, 20 (ოცი) კალენდარული დღის შემდეგ, „შემსყიდველი“ უფლებამოსილია ცალმხრივად შეწყვიტოს ხელშეკრულება.

9. ხელშეკრულებით ნაკისრი ვალდებულებების შესრულების ინსპექტირება

9.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი თანამშრომელი, საქართველოს სახელმწიფო ჰიდროგრაფიული სამსახურის სინოპტიკური სამმართველოს უფროსი რამაზ კინჭურაშვილი.

9.2. ინსპექტირებისას გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. ხელშეკრულებაში ცვლილებების შეტანა

10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება, ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ხელშეკრულების შეწყვეტა

11.1. ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ 5 (ხუთი) დღის ოდენობით. ამასთან დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ/ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

11.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებითი საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისგან (ზიანის არსებობის შემთხვევაში).

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

12. ფორს-მაჟორი

12.1. მხარეები თავისუფლდებიან პასუხისმგებლობისგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

12.2. „ფორს-მაჟორში“ იგულისხმება გარემოება, რომელიც არ არსებობდა ამ ხელშეკრულების დადებისას და რომლის თავიდან აცილება, ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.

12.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება, ვალდებულია დაუყონებლივ (ფორს-მაჟორის დადგომიდან არა უგვიანეს 2 საშუალო დღისა) აცნობოს მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

12.4. ფორს-მაჟორის მიუხედავად მხარეს, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

12.5. თუ ფორს-მაჟორული მდგომარეობა 30 (ოცდაათი) დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

13. სადაო საკითხების გადაწყვეტა

13.1. მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოგვარდეს.

13.2. თუ სადაო საკითხი მოლაპარაკებით ვერ მოგვარდა, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

14. გადასახადები და დაზღვევა

14.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეარის, მოსაკრებლების და სხვა გადასახდელის გადახდაზე.

15. შეტყობინება

15.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით (მათ შორის ელ. ფოსტით) ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გააგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

16. სხვა პირობები

16.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2017 წლის 30 დეკემბრის ჩათვლით.

16.2. წინამდებარე ხელშეკრულების 4.2, 4.3, 4.4, 4.5, პუნქტები და მე-8 მუხლი მოქმედებს ამ პირობების სრულად შესრულებამდე.

16.3. ხელშეკრულების დანართები წარმოადგენს წინამდებარე ხელშეკრულების განუყოფელ ნაწილს.

16.4. ყველა სხვა საკითხი, რაც არ რეგულირდება ამ ხელშეკრულებით რეგულირდება საქართველოს კანონმდებლობით.

16.5. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად.

შემსყიდველის მხრიდან:

ს.ს.ი.პ. „საქართველოს სახელმწიფო ჰიდროგრაფიული სამსახური“-ს
დირექტორი:

რევაზ ბაბილუა

მიმწოდებლის მხრიდან:

შპს „ნეპტუნი“-ს
დირექტორი:

დავით როგავა